

DIARII

I MARZO MDXXIX. — XXX GIUGNO MDXXIX

1

Del meze di Marzo 1529.

A dì primo Marzo, luni. La notte fu un grandissimo vento et fredo et cussi la matina, et nevegòe per tutto el zorno, ma poco nevegò, pur fo gran vento.

Introno li Cai di X sier Polo Nani qu. sier Jacomo, sier Andrea Donado, novo, et sier Hironimo da chà da Pexaro.

Et reduto el Collegio quasi tutto, fu terminato ben a bona hora far hozì Pregadi, et cussi fo mandato a comandar, nè fu letto aleana lettera.

In questa mattina, in le do Quarantie criminal et civil vecchia redute, per la expedition di sier Michiel Trivixan l' avogador retenuto, et quel Catulo veronese, parloe sier Sebastian Venier avvocato per ditto Catulo, et compito, nel mandar fuora de li i rei, esso sier Michiel Trevixan se buttò in zenochioni davanti la Signoria, et cussi atorno li XL, rechiedendo misericordia, pianzendo con gran singulti, et per il simile soa moier, fo fiola de sier Stefano Contarini, *da le do terre*, con do soe fiolette de anni... la mazor, in zenochioni lacrimando atorno, che fece contaminar tutti et mitigarli la pena che'l meritava; tuttavia fu punito atrocemente.

Et fu posto, per sier Piero Boldù ef sier Marchiò Michiel avogadori di Comun, de prociedere contra ditto sier Michiel Trevixan avogador di Comun. Ave : 169 de sì et 2 non sincere. *Item*, posto de procieder contra ditto Catulo veronese fo mezan

a far ditto avogador havesse li danari et manzarie. Et fu preso. Ave : 169 de sì, 0 de no et 2 non sincere.

Da poi, fu posto 4 parte. Una per sier Lunardo Emo consier de sora, in loco de sier Nicolò Trevixan cazado, sier Antonio da Mula, sier Hironimo Barbarigo consieri, sier Nicolò Bragadin qu. sier Domenego cao di XL, che 'l ditto sier Michiel Trevixan qu. sier Nicolò sia bandito in perpetuo et privo di tutti officii et beneficii et conseggi de la Signoria nostra, et relegà in perpetuo ne l' ixola nostra de Cherso, et rompendo el confin, stii uno anno in prexon serado, et poi sia bandito de terre et lochi de la Signoria nostra et navili armadi et disarmadi et de questa città, con taia chi quello prenderà habbi ducati 1000 de soi beni se 'l ne sarà, se non, de beni de la Signoria nostra, et li soi beni sia ubligati a la ditta taia. *Item*, che 'l pagi et restituissa tutti li danari hauti per manzarie, nè esca de preson, fino non haverà integramente pagato, de i quali se fazi do parte, la metà sia de l' officio de l' Avogaria et l' altra metà a nove monasteri de monache observante, *videlicet* *Item*, sia taia et annullà tutti i atti fatti per lui in l' officio de l' Avogaria de Comun, excepto quelli expediti per li Consegli nostri, et sia publicada el primo Gran Consejo et sopra le scale de San Marco et de Rialto. La copia autentica sarà qui avanti, et questa parte al primo ballotar avè 37, et fu presa.

Et sier Vicenzo Morexini qu. sier Antonio, vicecao di XL, messe che 'l ditto sier Michiel sia ban-